



Topphiyee Malletee Noonoo

Dojjechi Yaaboo

Keejjinnee Kimo

Kafi Nonoona

Biichito Dojj:

- » Alemaayehu H/Maariyaami

Ciinii Tachito:

- » Dojj: Mulugeeta Kassawi

Ibaariyeechino:

- » D/no Akiliilu Alemi
- » D/no Tesfaye W/Yohaaniisi

Diizayinari:

- » D/no Siisaayi Taagassa



KICHOO

Gimo.....	iii
HAAROO IKKOO	
NO DOYEE KEXO.....	1
HAAROO GUTTOO	
AARAA KEEJJE AGENE HALLEE GAANNO.....	4
HAAROO KEEMO	
NO KITAAMITO.....	6
HAAROO AWUDOO	
XALLITTINO.....	8
HAAROO UUCHOO	
SHIITINA`OCHI WULLTTINA`O.....	10
HAAROO SHIRITTOO	
BUSHIISHEENA`O AMOON HALLIBEETEETE?.....	12
HAAROO SHABAATTOO	
ANDI GOOROO QAAWOONE.....	14
HAAROO SHIMITTOO	
TA DOJJECHI CICEENE.....	16
HAAROO YIIXIYOO	
NE KOJJOO AMOON SHAAHIYE?.....	18
HAAROO AASHIROO	
MAADDI MAADDOON AMOON HALLIYOTE ?.....	20
HAAROO AARAA IKKO	
ACHEE KUPPHIYEE KAAYINA`O.....	22
HAAROO AARAA GUTTOO	
DOJJECHO DOYEE KEXOCH SHUUNEHE.....	24

Gimo

Toppiyee mallette noonoo doyoona bi icheebeeti inde gaboo waayoon hakkaane doyechina`o noonona bare doyechina`ona tookki mashaamo boono hakkiyeemmoch boono shalligoon boono getteemmonaa bare bushiisheena`o gettimmi shalligeena`on boono digemmo tuniyoochiye.

Hini 3ne kime dojjechi yaabee koorico qannimmona dojjechi harichiyee hinnoon. Malleteenoonooch-ichetikoonjoonaabari bare tolleena`on xepho tuniyoona tunemmona doyechina`ochi echo, doyeedaqqa, noonooch beeti hinnoon baroona wotta kechi ashi hinnoon shalligooch gedditi hinneena`one. Wodde waayoon hakkaane doyechina`o noonoon boono biichiti noonoo Toppiyee mallette noonoo tuno moosheneyaache tunebaani waayoon hakkaani nallefeena`o mallette noonooch dane hinnoo ooge giish-eecho tunetoch doyee kexooch boono giyaaha mallette noonoon gaache mallo daneyaacheete.

Tunetoommon hini koorico bi qanniibeeti goorooch qannayecho dabbimmi shalligeena`on daamonane.

A. Noonoon beegimmona

- ◆ Mallette noonoo waayoon hakkaane doyechina`o boono indee noonoo woyee batti batti noonooone

B. Doyechina`on beegimmona

- ◆ Woddee waayoon hakkaane doyechina`o waayeebeeti asheena`o wane boono shiijetoch mallette noonee dicoo waayeebeeti nallefeena`o guttinnee noonee hakkooch boono gaachebeeti gommona tookki shaahittino beete.

C. Doyee dojjoon beegimmona

- ◆ Mallette noonoon dojjooch doyiti ashi daachoo doyee kexooch beemi qayo
- ◆ Mallette noonoo inde kaarikuleemoch beemi qayo
- ◆ Mallette noonoo kimee daqqoona ichi bi beddimmo aricheyaanoonaa cikkena icheebeeto tuno.
- ◆ Mallette noonoon dojjooch biich tuneti doyee kaallo beemi qayonaa wodde aaboon duubbi doyee kaalloon gaachoona icheebeeto tuno

D. Dojje koorico qanniibeeti noonoon beegimmona mallette noonoo

- ◆ Ameer yibbaatee noonoon tookki goomeyaani bi qelli noonee hinnoo beeti ceene noonooone.

Tolleena`o

- ◆ Mallette noonoo biicho tuneti kooree sheeroo aalli qoodooch yibbaatee nooneena`oche ikkoon gaachoona kooroo kaaco aallo tunehe.
- ◆ Doyee ministeeree maacoona hini koorice kooroo Amaarinaa Ingiliize noonoon qanniye

E. Mallette gaachoon beegimmona

- ◆ Andire mallette noonee kooree mallette toommooch beeti malleteena`on baach gaacho.
- ◆ Bedditi mallette noonee iiqqoo beeti waayoon hakkaane asheena`on gaachoona kooricooch giyeemmi sheereena`on maaco.

F. Qanniti koorice ikkittinoon beegimmona

- ◆ Waayoon hakkaani bushiisheena`o mallette noonee gaacho shaahoo tunetoch ikke shaaha koorico qanniye.

◆ Tunebaani mallette noonoo biichi kooree sheeroo aalle qoodooch gooree wottoochoo Amaarinaa Ingil-iizoonaa qanniye tunebaani guudeena`o boono iiqqoommon boono guudee noonoonaa biisho hakkiyeete.

◆ Qannimmi dojjechi yaaboon gaachoonaa dojjecho bi kitaamitee hinnoommona dojjoo

Ebichi hinnoona doyechina`o noonoon boono biichiti noonoonaa gaache wuroo beeto tuno,mallette noonoon gaachooch gaaccimmi inde ariyeena`on uumiyoo boono hakkimmi bari bare hinneena`o giyeemmo tunete. Hini 3ne kime dojjechi yaaboo qannimmona doyechi koorico doyechina`o kimee maacooch baach tuneyaanoon kimooyee maach boono nuucheena`ona tookki kexoochaa boono ogoogeena`o degoona boono qellona boono gaacheemmoch tuniyoona shalligaa qannito tunetoch ittiyoo ebin shalligooch gedona doyechina`o kooricoon baribare hinneena`ona gaacheemmoch degoon gedot.

Doyee giddiyoommi qannayoon, giddiyoonaa doyichoo immi hamaa dabboona koceetone.Hini keejje doyee gabeena`o (digeno, shalligoonaa shuuraaro) qelli qelli noonee doyee daqqoo tooceemmi gommona qannitone.Doyeechina`o boonoshi doyoona boono kitaamitooche ariibeetooche timona noonoon boono doyiyeemmoch gaacceemmoonaa hallee shuunooch qannayiyeemmi gommona qannayooch herecheete. Dojjechinot ittiyoo doyechina`o kitaamitooch beeti hinnoona tookki,baroonaa boono ariibeeti mooyona tookki yesheemmo tuniyoona doyoon giddiibot. Ebiyee daakkoona doyechina`o ubbiyona doyee shimboon kotoyee shiichoona shiitina`ona, qaabbeena`ona woyee nuucheena`ona tookki tunoonaa batti qannoon gedona kimee maac icheebeeti shuuraareena`on qaawuchi shuuneemmoch kuphiibot.

Mallette noonoo waayoon hakkaane indee noonoo tunebaani ubba waayoon hakkaani doyechina`o mallette noonoon shiijjooche kotti gaacheheete geto toonoone.Waayoon hakkaaneena`o waaye hakkee qayo.shaggiti gooroon tiijjoona gutta qoodeheete. Boono shiijjooche kotti waaye hakkee qayo shaggitina`onaa shiijjooyee gubb wooye hakkee qayo shaggito getaa gutta qoodeheete. Shiijjoochee gubb waaye hakkee qayo shaggiti nallefeena`o gutteena`o tunemmona batti battichina`o yibbaatee noonoo hakkooyee aaf waayo hakkee qayo shaggito tunemmona dabbimmina`o wotta yibbaatee noonoon hakkitoyee gubb waaye hakkee qayo shaggitina`one.

Ebichi hinnoona boono shiijjooche kotti waayoon hakkee qayo shaggitina`onaa shiijjooyee gubb yibbaate noonoon hakkooyee aaf waayoon hakkee qayo shaggiti nallefeena`o mallette noonoo battibatti noonoo tunehe.tunebaani waayon hakkee qayo shaggitina`o yibbaatee noonoon hakkitoyee gubb tuneti nallefeena`ochi mallette noonoo boono guttinnee noonoonne.Ebi gutte waayoon hakkaane nallefeena`o ikke kimooch no danemmi goorooch mallette noonoon no dojjiiyeemmi gommo bari baro tunoon dojjechina`o digeno beemo qaawiihe. Waayoon hakkaane doyechina`o qaaroon waaye bariyoona boono Iiqqoommona gutta qoodiyon.

Battibattichina`o qaaroon tuneti hinnoona waayoona bariyoo hakkimmo tunemmona giisheechon waayoon hskksnrns`o getteemmona gutteena`o qaaroon amee hinnoommona waaye bariyoo iiqqoo aalleena`o tunemmona ciirooch waayo hakkaanena`o getteebeete. Ebi gutte guuphina`o mallette noonoon gaacheebetina`o tunemmogaatoona yibbaatee noonoonaa dane mallo baribaro tunetoch dojjechina`o boono dojjiiibeeti goorooch bari bare gommon gaacho quyeehe.

Hini dojjechi yaaboo qannito mallette noonoon dojjooch tunetoch dojjecho kimee maac damba getteeti bari bare waayoon hakkaaneena`ochi shaahena`on daneemmo tuno quyeehe.Ebich dojjecho ebi doyee kaallooch mallette noonoon baach gaachoonaa ubbe doyechina`o mallette noonoon kuchi maac gaacheemmoch kuphiyoo no waane quyeehe.

Dojjecho ebi doyee kaallooch amee gommonoonaa yibbaatee noonoon boono gaacheemmoch daaggaache.doyechina`o yibbaatee noonoon boono gaacheemmo tuneyaacheemmo tuniyoo qaawiihe.Ebi gommona kimee maac halleemmi shuuraareena`on ubba mallette noonoonaa gaachoonaa doyechina`o ubbe noonee iiqqeena`on uumiyeemmo tuniyoo quyeehe.

HAAROO IKKOO

NO DOYEE KEXO

Haarooche quyeemmi daacho

Doyechina`o hini doyooyee gubb doyee kexooch beeti qiiceena`on topphiyee mallette noonona sheqqeheete.

Qiiceena`o danebeeti xaa`oon gettiyeete.

Sheqqe gabeena`o

Doyechina`o hini haaron doyitoyee gubb

- » Doyee kechi maac danebeeti qiiceena`ochi shigoon mallette noonona ceeggiyeete.
- » Doyee kechi maac danebeeti qiiceena`ochi xaa`ooch amooch gaata gettiyeete.
- » Awudde mallette minnaa kanno halliyeete.
- » Dojjecho immimmi sheeroon timo tuniyoona wochoon immiyeete.
- » Qaroonaa tunoonaa kuchi maac danebeeti qiiceena`ochi ihaateyoo geddiyeete.
- » Qaroonaa tunoonaa kooricee maac beeti kaayon shemmoonaa herecheheete.

Kimee maac danebeeti qiiceena`o sheqqo,qiiceena`ochi shigoonaa malletoona ikkooch beeti Flaash kaardo, aa`i madoo,xarapheezo, mallee kel-lo,kelletoo,kojjoo,feennoo,koppoo,hidoo,koorico

Hini shimbo kaacheti inde naboo guttinnee kimooch doyee kechichon boono doyiti qoodooch guttinnee kimooch boono doyiti ariyoon gaachoonaa gamini ihaateyoon boono geddeemmi hinnoon

halloochiye.Dojjechinot ittiyoo guttinnee kimooch boono doyiton gaacheree battibatt kuchi maac arooche kuxooyee maach kicoona doyee kexooch beeti qiiceena`on itti dojjiyeemmo tunehe.

Aroochee qiiceena`o danebeeti xaa`eena`ono daakkoona boono gaacoona boono ariyeemmo itti halliyeemmo tunetoch ebich tunemmi kaateena`on halloona doyechina`o gaawe shuuraaron boono geddeemmon halloo qaawiihe.

Doyoo Ikkoo

Shuuraaro 1

Batti batt doyechina`o qaroonaa tuneemmo kociibit. Arooyee gubb kimeexi qiiceena`on guuphi nuucheena`o topphiyee mallette noonona echeemmonaa boonoshiyoo nuucheena`o echemmona wochibee ihaateyoon boono geddeemmo degoon gedit.

Doyechina`o hiniyee desh sheqquetina`on gaachoonaa echeemmonaa boono echeetonoo taatoona wochiyeemmo dabbibit.

Hini amoone ?

Hini _____ne .

Ohi amoone ?

Ohi _____ne

Hinoshi ameena`one ?

Hinoshi _____na`one

Okkeboshi ameena`one ?

okkeboshi _____na`one.

Doyechina`o qaroona tune herechetoyee gubb, doyechina`oche kaacona kuchi maac danebeeti qiiceena`on gaachona kuchi maaci doyechina`och damba echeeti echeena`on gaachona Topphiye mallette noonona boono echeemmoch tuniyoona bare doyechina`o wotta wochiyeemmoch kuphiibit.

Shuuraaro 2

Damba doyechina`o guuphi ihaateyoona gaa-chetona bare kuchi maac danebeeti qiiceena`on gaachona tate malletoon shalligichiyeemmo tuniibit.

Hini shuuraarooch koonjoo icheemmi qiicee shaaheena`o eboshine. komadoo.koorico, gabber,koppoo,kiiroo, xarapheezo, shooko, aa`i madoo, koto, Feennoo,hidoo mallee kelloonaa gime kelloonane.

Shuuraaro 3

Doyechina`o boono doyee kooricooch beeti shichoon gaawuchi ciinneemmo tuniibit.Doyechina`o boono getteetton hallitoyee gubb boono ciinniti mooyina`on topphiye mallette noonona wochiyeemmoch kuphiibit.

Dojjechinot

Itti doyechina`on ishichona topphiye mallette noonona echebit.

1. Koppoo aabiichiye ?

Doyechina`o ishichi wochibeeta koonjoo giyeemmo doyechina`o qaawiimmi xaa`ooch biriye malleteena`on gaacheemmochiye.

◆ Koppoo xarapheeze toommoochiye

Dojjecho echehe

2. Kojjoo xarapheezona gabberee daggoochiye?

Doyechina`o wochiyeete

Eeha, kojjo xarapheezona gabberee daggoochiye.

Doyechina`o wochiyeete

Toonoone shooko aa`i madee dechiichiye

Dojjecho echehe

3. Xarapheezo aabiichiye ?

Doyechina`o wochiyeete

Xarapheezo mallee kellee ga`oochiye

Dojjecho echehe

4. Dojjechino xarapheezooyee gubbiye ?

Doyechina`o wochiyeete

Eeha, Dojjecho xarapheeze gubboochiye

Dojjecho echehe

5. Gabbero aabiichiye ?

Doyechina`o wochiyeete

Gabbero kellee aafoochiye

Shuuraaro 4

Dojjechinot, doyechina`o battibatt doyechi kooricooch beeti shichoon gaawuchi boono ciinneemmo tuniibit.Arooyee gubb shichoochee boono digeneton topphiye mallette noonona ihaateemmo tuniibit.

Shuuraaro 5

Damba doyechina`o guuphona boono ihaatee gaa-chetona bare kimee maac danebeeti qiiceena`o xaa`oon bekkiibeeti tate malletoon shalligichiyeemmo tuniyoo.

Doyoo guttoo

Shuuraaro 1

Batti batt doyechi kooricee maac beeti qamini ihaateyoon topphiye mallette noonona doyechina`och shemmebit. Daammi iiqqoon beegona ikke woyee gutte kaalloon daakkibit.

Doyechina`o qaroona tuneree ikkoo nihoochoommon baroo bushoochoommon tuneree herecheemmo tuniibit.

Doyechina`o herecheemmo bedde gooroon imbit .Arooyee gubb hiniyeesh sheqqeeti echeena`on topphiye mallette noonona eheree doyechina`o wochoon topphiye mallette noonona immeemmoch tuniibit.

Doyichoo 1

Hiniyee desh beeti echeena`on topphiyee malleete noonona doychina`och giddiyoonaa wochiyeemmo tuniibit.

Wochoon eeha/toona getibee wochiyeemmoch tuniibit.

Toona boono immona amooyichi gaata boono getteemmoch echebit.

1. Bushoo doyee kexooch hamma immona bi qaawito amoone ?
2. Bushooch kooricoon daneto niheenone ?
3. Bushoo kooricoon daneto kojjee maacoochiye?

Shuuraaro 2

Doyechina`o kooricee maac icheti malleeteena`oche uuchoon kaaci awudde malleetechi minna kannoon boono halliyeemmo tuniibit.

Qoppoo

- ◆ Doyechina`o doyee kechi shichoon beegibee doyee kexooch danebeeti mooyina`o aabiich dane beetogaata echoonaa wochoona.
- ◆ Shicheena`on beegona boono wochoon biriyo
- ◆ Awudde malleetechi minnakannoon boono shemmoon xiishoo
- ◆ Doyechi kooricooch beeti qamini kaayon boono shemmoon xiishoo.

HAAROO GUTTOO

AARAA KEEJJE AGENE HALLEE GAANNO

Quyeemmi daachoo

Doyechina`o hini doyooyee gubb natty age-neena`on topphiye mallette noonoon gaachoon ceggiyeete. Agenee haddoon tookki yesheti malleteena`on shemmeheete.

Sheqqee gabbeena`o

Doyechina`o hini haaron doytooyee gubb

- » Nati ageneena`on sheqqeheete.
- » Agenoon tookki yesheti malleteena`on gaachoon minnakannoon halliyeete.
- » Gooroon bekkiiye gommina`on gaacheheete.
- » Qamini kaayina`on shemmeheete
- » Qamini kaayoch kechiti echeena`on wochiyeete.

Degee qiiceena`o

Bari bare malleteena`och Flaash kaardo shaahiyooch hanaach, yiich, yaach, shabaatee qemina`o ayeree hinnee shaheena`o (shaahiyooch Aabo, qufoo, Amiyoo, Aqqoo) daakkoon shicheena`o

Hini shimbo kaacheti naboo doyechina`o guttinee kimoochaa aabeena`on doytina`o tunetoch boono doyiti ariyeemmi hinnoon halloochoye. Dojjechinot ittiyoo guttinee kimooch boono doyton gaachoon batti batt shabaatee aabeena`on boono shalligichiyeemmonaa aroochee shabaatee aabeena`on ageneena`ona tookki wotta ageneena`on natona tookki daniyoona qamini

ariyoon yecheemmo tunehe. Doyechina`o nati ageneena`on shalligichiyeemmo baach tuneyaanon ageneena`on bari bare kitaamitee inde moochi hinnoon tookki bi yesheemmo tuniyoona ebich mashaammimmi hinneena`on halloona doyechina`o gaawee shuuraaron geddeemmoch halloo qaawiihe.

Doyoo Ikkoo

Shuuraaro 1

Doyechina`och ebiyee aaf boono doytoommon shabaatee decina`on wochi ciinneemmoch getit. Ebin hallooch doyechina`o qaroon tunebeeta.

Dabboona shabaatee aabeena`on shalligichoon boono guuphi nuucheena`on topphiye mallette noonoon sheqqeemmoch echeemmo tuniyoona boonoshiyoo echee boono immona wochiyeemmo tuniyoo.

Ciiroochaa doyechi kooricooch koteti echeena`on doyechina`on echoona topphiye mallette noonoon boono wochiyeemmo tuniyoo. Doyichoon ittoshi shuunebeeti goorooch beeti decon hanaach daammi shuuno shabaatee batti batte deco doyoo kotteemmo tachayoo tunoon shalligoo.

Shuuraaro 2

Doyechina`o boono kooricooch beeti shicheena`on meqqeqqoon boono ciinneemmo tuniyoo. Doyechina`o boono wocheeton hallitoyee gubb shichooch boono ciinniti ayeree hinnee shaheena`on desh icheti malleteena`ona tookki xibiyoona wochoon topphiye mallette noonoon ittich boono wochiyeemmo tuniyoo.

Shuuraaro 3

Batti batt doyechina`o qaroonaa guupheemmooh tuniibit. Guuphona boono koceetoyee gubb heechi ayeree shuniyoon qareexi nuucheena`on topphiyee mallette noonona echeemmooh tuniyoona boonoshiyoo boono echeemmona wochoon boono immeemmo tuniyoo kaattoon daacheecho tuniie.

*Doyoo Guttoo***Shuuraaro 1**

Doyechina`o kooricee maac beeti nati ageeneena`on beekiibeeti kiiraa kiiron gaachebee ageneena`on topphiyee mallette noonona boono bekkiyeemmooh echo ubbe doyechina`ona wochi shalligichiyoo degoon imo.

Dabboona nateexi ageneena`on natoon ambichinoo gaata bekkiimmi minna kannoon topphiyee mallette noonona halliyeemmo tuniyoona halleeti minnakannoon doyechina`onaa ittinoch boono giddiyeemmooh tuniibit.

Ciiroochena nateexi ageneena`on aa`i madooch kooroon shappiti agenoon ittich topphiyee mallette noonona bekkiyeemmooh echo.

Shuuraaro 2

Doyechina`o kooricee maac icheti malleteena`on gaachoon awudde malletechi minnakannoon topphiyee mallette noonona halliyeemmooh gaachebit.

Shuuraaro 3

Batti batt doyechina`o kooricee maac beeti qamini shemmeeshoon topphiyee mallette noonona doyechina`och shemmebit. Doyechina`ochi daammi iiqqoon ciinona ikke woyee gutte kaalloon daakkibit.

Doyechina`o herecheemmooh qamini gooroo imbit.

Arooyee gubb hiniyee desh sheqqeeti echeena`on topphiyee mallette noonona echeere doyechina`o wochoon topphiyee mallette noonona immeemmo tuniibit.

Shuuraaro 3

Hiniyee desh beeti echeena`on topphiyee mallette noonona doyechina`och giddiyoona boono wochiyeemmo tuniibit.

1. Toppiyee amiyee gooreena`o aatoobane ?
2. Toppiyooch ciinoch mashaamiti ageneena`o aaboshine ?
3. Toppiyee aaraa keejje agene aabee gaannech bi getteeto amoochiye ?

Qoppoo

- ◆ Nateexi ageneena`on hamaa dabboona malletoona geto boono hakkoon xiishoo
- ◆ Agene haddoon tookki yesheti malleteena`on gaachoon minnakanno boono shuunoon dabboo
- ◆ Shichoon ciinona boono ciinniti mooyon geto boono hakkoon dabboo
- ◆ Beshetona gubb halleemmi mooyina`on bekkiimmi minnakannoon boono shemmoon beego.

HAAROO KEEMO

NO KITAAMITO

Quyeemmi daachoo

Doyechina`o hini doyooyee gubb boono qelli beemi xaa`oon,kitaamitoon,kaattoonaa kitaamitee bare malletoon topphiyee mallette noonona gettiyeete.

Sheqqe gabeena`o

- » Boono qelli beemi xaa`oon gettiyeete
- » Kitaamitee shigoon sheqqeheete.
- » Kaatteena`on bari bariheete.
- » Kaatoon kitaamitoonaa bare kichee shuniyoon biriheete.

Degee qiiceena`o

Kitaamitee shigeena`on kaatteena`onaa baribare beekiyeena`on bekkiibeeti Flash kaardo.

Hini shimbo kaacheti inde naboo doyechina`o boono qelli xaa`oon,kitaamitoon,kaattoonaa boono kitaamitee bare malleteena`on bekkiiyoo boono hakkiyeemmo tuniyoochiye.Dojjechinot ittiyoo doyechina`o boono hinnoche tiiree boono kitaamitoon geto/bekkiyoo/boono hakkiyeemmoch gaacciye.doyechina`o boono welli qelli gafoon shigoona,kaattoonaa baribare malleteena`on boono nuucheena`och geto hakkiyeemmoch tuniyeemmi bari bare shuuraaron daakkoona baroona ebich mashaammimmi hinnoon halloona doyechina`o kupphe shuuraaron geddeemmi hinnoon halloo qaawiihe.

Doyoo Ikkoo

Shuuraaro 1

Batti batt doyechina`o qaroonaa guupheemmoch kuphiyoo guuphona kooceetoyee gubb boono guuphi nuucheena`o boono qelli beemi xaa`oon topphiyee mallette noonona echeemmo tuniibit. Boono wochiyeemmoch gaachebit kuphiishoo getit.

Shuuraaro 2

Doyechina`o boono kooricooch beeti shichoon meqqeqqoonaa boono beeggeemmo tuniibit. Doyechina`o boono wocheeton hallitoyee gubb shichooch boono beeggiti mooyon topphiyee mallette noonona ga`ooch beeti boono nuuchoona tookki ihaateyoon boono geddeemmoch mashaamibiit.

Doyoo Guttoo

Shuuraaro 1

Batti batt doyechina`o kooricee maac beeti qaamini ihaateyoon topphiyee mallette noonona doyechina`och shemmebit.Doyechina`ochi daammi iiqqoon beegona ikke woyee gutte kaalloon daakkibit.keejje naayon yechiti guuphon halloona ikkoo dojjecho baroo Alaazi keejjinnoo wotta Kedir tunoonaa boono herecheemmo tuniibit.

Doyechina`o herecheemmoch bedde gooroo imbit.

Dabboona hiniyee desh sheggeeti echeena`on topphiyee mallette noonona echebit.Doyechina`o topphiyee mallette noonona wochiyeemmoch degit.

Doyichoo 1

Hiniyee desh beeti echeena`on topphiyee mallette noonona doyechina`och giddiyoon boono wochiyemmo tuniibit. Wocheena`on tattoo tunetoch Iberoo daboo tunetoch kooto boono getteemmo tuniibit. Kooto getona wochoon boono immiti echeena`och tato amoogaata topphiyee mallette noonona getit/biriibit/

1. Kedir dojjechon hini kitaamito amoo getteehe ii`i eechehe .
2. Kedirinaa Almaaz gafee bare malletoo Addisi Abebi yuuniversityine.
3. Kedirinaa Almaz doyee kexo boono gafooche debuuboo waan danehe.
4. Kedirinaa Almazina boono dojjechina`ona tookkii ikke gafoochiye boono beeto.
5. Kedirinaa Almaazina gafoo Awudde kiiloo getteehe.

Shuuraaro 2

Doyechina`o kooricooch icheti malleteena`on gaacheree Awudde malletechi minnaa kannoon topphiyee mallette noonona halliyemmo degoon gedit.

Qoppoo

- ◆ Qelli beemi xaa`oon, Kitaamitoonaa bare bekiyee shuriyee gaachoon ciino
- ◆ Kitaamitoon.kaatoon bekiyee gommina`on tatoona boono gaachoon xiishoo
- ◆ Shicheena`on boono shigoona tookki boono xibiyee hakkoon dabboo
- ◆ Kitaamitoon kaatee bekiyee toommooch halleeti minna kannoon boono shemmoon xiishoo.

HAAROO AWUDOO

XALLITTINO

Quyeemmi daachoo

Doyechina`o hini doyooyee gubb no ache qeppeena`onaa boono gaacoon topphiyee mallette noonoon gaachoon biriiheete. Daakkoona ache qeppeena`on aabichi boono xallittinon no quyeemmo gaata topphiyee mallette noonoon gaachoon biriiheete.

Sheqqee gabeena`o

Doyechina`o hini haroon boono doym-mona

- » Ache qeppeena`on sheqqeete
- » Ache qeppeena`o gaacoon biriiheete.
- » Ache qeppeena`on aabichii xallittinon qiddoo hakkeemmo gaata biriiheete.

Dege qeeceena`o

Flash kaarddo ache qeppeena`on bekkiiimmi shichee moodeelo, shicheena`o

Hini shimbo kaacheti inde naboo doyechina`o ikkinnee kimoochaa boono doyiti ariyoon gaachere gabini ihaateyoon boono geddeemmi hinnoon halloochiye. Dojjechinot itti ikkinnee kimooch boono doyton doyechina`o ache qeppoochee kotona nibboona xallittinon aabichi qiddo qaaw-iimmo gaata bekkiiimmi hinnoo bari bare shuuraroon bacoona baroona ebich mashaammimmi hinnoon halloona doyechina`o gaawee shuuraroon boono geddeemmoch halloo qaawiihe.

Doyoo ikkoo

Shuuraaro 1

Batti batt doyechina`o qaroona kocebeeta. Arooyee gubb maachi ache qeppeena`on topphiyee mallette noonoon sheqqeemmoch boono echeemmo tuniyoonaa boono nuucheena`o shaahe echeena`on boono echeemmoch kuphiibit.

Shuuraaro 2

Doyechi kooricooch beeti shichoon gaawuchi boono ciinneemmo tuniibit. Boono beeggitoyee gubb shichee toommoch boono beeggiti maachi ache qeppoonaa gaacoonon topphiyee mallette noonoon biriyeeemmo tuniyoo.

Doyechina`o waane quyeemi biriyoo

1. Ta aafoonaa ciinno
2. Ta muddoonaa shiiqqo
3. Ta waamonaa waayo
4. Ta yaferoonaa huushiyo
5. Ta ecciyoonaa nappho

Shuuraaro 3

Batti batt doyechina`o qaroona koceemmo tuniibit. Aaree guuphona boono koceetoyee gubb batti qelloona doyechi kooricooch beeti shichoon beegona ittoshi beeggiti ache qeppeena`on guuphi nuucheena`ona tookki topphiyee mallette noonoon ihaateyoo boono geddeemmoch degot.

Doyoo guttoo

Shuuraaro 1

Doyechina`o kooricooch icheti malleteen`on gaacheree qaawiihe /qaawiyaache immi toom-mooch halleeti minnakannoon topphiyee mallette noonona halliyeemmoch gaachebit.

Shuuraaro 2

Doyechina`o boono kooricee maac beeti shi-cheena`on meqqeqqoona ciinnemmo tuniibit. Doyechina`o boono wocheeton hallitoyee gubb shichooch boono ciinniti shuuraaron topphiyee mallette noonona boono getteemmo tuniibit.

Doyoo keemo

Shuuraaro 1

Batti batt doyechina`o kooricooch beeti qamini shemmeeshoon topphiyee mallette noonona doyechina`och shemmebit. Doyechina`o daami iiqqoon beegona ikke woyee gutte kaalloon daak-kibit.

Doyechina`o herecheemmoch bede gooroon imi-ichi hiniyee desh sheqqeeti echeena`on topphiyee mallette noonona echebit. Doyechina`o wochoon topphiyee mallette noonona immeemmoch degot.

Doyichoo 1

Hiniyee desh beeti echeena`on topphiyee mallette noonona doyechina`och giddiyoona boono wochiyeemmo tuniibit.

1. Kitaamitooch beeti bushiishoo doyee kexoo-chee boono wottemmona boono kaachiibeeto aabiiciye?
2. Gafeexi ooge geeneeno doono Gebreigiziaberi ceeggi echeto amooniye ?
3. Kitaamiteexi bushiisheena`o biiyeto amoochiye
4. Geeneeno kitaamitee nallefeena`och qelli xallittino geton ama ii`i biriihone?
5. Geeneeno kitaamitee bushiishooch kaayoyee gubb macho qaawiihe boito amoochiye?

6. Qelli xallittinoon quyo qaawiimmo aatoobane?

Qoppoo

- ◆ Doyechina`o boono ache qeppoonaa gaacoon-on boono biriyoona xiishoo
- ◆ Boono ache qeppeena`on aabichi xallittinoona boono yecheemmo gaata boono biriimmona beego.
- ◆ Shichoon boono shigoona tookki xibiyoo boono hakkoon dabboo
- ◆ Qaawiihe /qaawiyaache toommooch halleeti minna kanneena`on boono shemmoon beego

HAAROO UUCHOO

SHIITINA`OCHI WULLTTINA`O

Quyeemmi daachoo

Doyechina`o hini doyooyee gubb kechi asheena`on topphiyee mallettee noonoon gaachoo-na sheqqeheete.

Boonoshi shuunee qoodoona gettiyeete.

Sheqqe gabeena`o

Doyechina`o hini haaroon doyitoyee gubb

- » Kechi asheena`on sheqqeheete
- » Kechi asheena`o wullittinon gettiyeete.
- » Kechi asheena`o shuunee qoodoon gettiyeete.
- » Kechi asheena`o wuttoon biriiheete.

Degee qiiceena`o

Kechi asheena`on bekkibeeti Flaash kaarddo,kechi asheena`on yechiti shichoo

Hini shimbo koocheti naboo doyechina`o ikkinnee kimooch kechi asheena`on boono doyiti qoodooch ebi ariyoon gaachooona gabini ihaateyoon boono geddeemmi hinnoon halloone.Dojjechinot ittiyoo boono doyiton gaachooona doyechina`o kechi asheena`on sheqqooche kottiyoonaa nibboona kechi asheena`o shuunee qoodoona wuttoon boono ariimmi bari bare shuuraaron baccoona ebichoo mashaammimmi hinnoon halloona doyechina`o gaawe shuuraaron boono geddeemmi hinnoon halloo qaawiihe.

Doyoo ikkoo

Shuuraaro 1

Batti batt doyechina`o qaroon koceemmo tuniyoo. Guuphona boono koceetoyee gubb boono guuphi nuucheena`on hini echeena`on topphiyee mallettee noonona echebeete.

- ◆ Kechi asheena`on boono sheqqeemmoch
- ◆ Kechi asheena`o shuunee qoodoo amoogaata boono getteemmoch
- ◆ Dabboona arena`o shaah echeena`on echebee wochoon imbeeta.

Shuuraaro 2

Doyechina`o boono kooricooch beeti shicheena`on meqqeqqoona ciineeta.Aroochee shichee toommooch boono beeggiti mooyina`on topphiyee mallettee noonona getteemmoch tuniibit.

1. Maneena`o beeteete ?

Echa beeteete/beete woyee aall

2. Ambiche maneena`o beeteete ?

Ikke manoo beete Gutte maneena`o beeteete

Keejje maneena`o beeteete. Dab doyechina`o boonoshichoommona wochoon topphiyee mallettee noonona immeemmoch kuphiibit.

Doyoo Guttoo

Shuuraaro 1

Doyechina`o kooricee maac icheti malletteena`on gaacheree bari bare minna kannoon topphiyee mallettee noonona halliyeemmoch gaachebit.

Shuuraaro 2

Batti batt doyechina`o kooricee maac beeti qamini ihaateyoon toppheyee mallettee noonona doyechina`och shemmebit. Doyechina`o daami iiqqoon beegona ikke woyee gutte kaalloon daakkibit.

Doyechina`o keejje naayoona guupheemmo tuniyoona ikke doyecho dojjecho baroo wotta xenkiri tunoona keejjinnoo kabaddichoommo tunoona toppheyee mallettee noonona boono herecheemmo tuniibit.

Doyechina`o herecheemmi bede gooroo imbit. Dabboona hiniyee desh sheqqeeti echeena`on toppheyee mallettee noonona echoona wochoon toppheyee mallettee noonona boono immeemmo tuniibit.

Doyichoo 1

Hiniyee desh beeti echeena`on toppheyee mallettee noonona doyechina`och giddiyoona boono wochiyeemmo tuniibit. Tato tunetoch iberoo daboo tuneton kooto getteemmo tuniibit. kooto boono itoch tato amoogaata toppheyee mallettee noonona geteeta

1. Kabadi bi kechi asheena`ona kookki xibee gaarooch bi hammiibeetena`one dojjechinon bi daneto
2. Kabadi dojjechinon hini taabi doono malaakinee getona arichiihe.
3. Kabadich gutte anaami maneena`onaa ikke maache maneena beeteete.
4. Kabadichi Indi niheeno/indeeno woyee nihi niheeno/ indeeno doono Zalaqinaa Gn Azalechi getteheete.
5. Kabadich keejje indee manee bushiishoona gutte nihoo manee bushiisheena`o beeteete.

Shuuraaro 3

Doyechina`o boonoshi kechi asheena`on gaachoon doyechi kooricee maac sheqqeeti xibittinon baccoona kechi mixon toppheyee mallettee noonona shuuneemoch degoon imbit.

Qoppoo

- ◆ Kechi asheena`on sheqqoona xiishoo
- ◆ Kechi ashi shuunee qoodoon geton beego
- ◆ Shichoon shigoona tookki boono xibiyoon dabboo
- ◆ Kechi asheena`onaa boono shuunee qoodoon bekkiimmi minna kannoon boono shemmon xiishoo

HAAROO SHIRITTOO

BUSHIISHEENA`O AMOON HALLIIBEETEETE ?

Quyeemmi daachoo

Doyechina`o hini doyooyee gubb bushiisheena`o

Kechi maacena kexoyee maach boono halliyeemmi shuuraaron topphiyee mallette noonona gaache biriiheete.

Sheqqe gabeena`o

Doyechina`o hini haaron doyitoyee gubb

- » Kechi maacena kexoyee maach boono halliibeeti shuuraaron biriiheete.
- » Kechi maacena kexoyee maach boono halliyeemmi shuuraaron bariiheete.

Degee qiiceena`o

Kechi maacena kexoyee maach hallebeeti shuuraaron bekkimmi Flaash kaarddo

Hini shimbo kaacheti inde naboo doyechina`o kechi maacnaa kexoyee maach boono halliyeemmi shuuraaron yechiyooch /digeniyoochiye. Dojjechinot ittiyoo doyechina`o boono kitaamitee hinnoommona kechi maacena kexoyee maach boono halliyeemmi shuuraaron boono digeniyoo hakkimmi bari bare shuuraaron baccoona ebich mashaammimmi hinnoon halloona doyechina`o kuphe shuuraaron boono geddeemmi hinnoo halloo qaawiihe.

Doyoo Ikkoo

Shuuraaro 1

Doyechina`o kooricooch beeti shicheena`on beegona shichee toommooch boono beeggiibeeti shuuraaron topphiyee mallette noonona biriyeemmoch tuniibit.

Shuuraaro 2

Batti batt doyechi kooricee maac beeti shicheena`on meqqeqqoona beeggeemmoch tuniibot. shichooch boono beeggiibeeti shuuraaron boono ga`ooch beeti nuuchoona tookki topphiyee mallette noonona ihaateyoon boono geddeemmoch degot.

Doyoo Guttoo

Shuuraaro 1

Doyechina`o kooricee maac beeti shicheena`on beegona aree shuuraaron topphiyee mallette noonona getteemmoch degot.

Doyoo keemo

Shuuraaro 1

Batti batt kooricee maac beeti qamini ihaateyoon topphiyee mallette noonona doyechina`och shemmebit.

Doyechina`o digenee iiqqoon beegona ikke woyee gutte kaalloona daakkibit.

Doyechina`o gutti gutteree koceyeemmo tuniyoona nihaa busho tunoona boono herecheemmo tuniibot.

Doyechina`o herecheemmoch gabini gooroo im-michi hiniyee desh sheqqeeti echeena`on topphiyeemallette noonona echeere doyechina`o wochoon topphiyee mallette noonona boono immeemmoch tuniibit.

Doyichoo 1

Hiniyee desh beeti echeena`on topphiyee mallette noonona doyechina`och giddiyoona boono wochiyeemmoch tuniibot.

1. Bushiisheena`o amoon halliibeeteete ?
2. Bushoo manee amoon hallaabeetan ?
3. Nihoo bushiisheena`on ceeggi amoon boono halliyeemmochiye bo wocheto ?
4. Nihoo bushiisheena`on shemmooyee gubb amoon halliyeemmochiye bo echeto ?
5. Bushiisheena`o kexooch boono waatoyee gubb ami amoon boono halliyeemmogaata shuunee qoodoon daammiyeete ?

Shuuraaro 2

Doyechina`o kooricooch icheti malleteena`on gaacheree bari bare minna kannoon shuuneemmoch degot

Qoppoo

- ◆ Kechi maacinaa kexoyee maach boono halliyeemmi shuuraaron boono bariyoon beego.
- ◆ Kechi macinaa kexoyee maach hallebeeti shuuraaro tookki yesheti malleteena`o toommooch halleeti minna kanneena`on boono shemmoon beego.
- ◆ Kechi macinaa kexoyee maach boono halliyeemmi shuuraareena`on boono bariyoon xiishoo

HAAROO SHABAATTOO

ANDI GOOROO QAAWOONE

Quyeemmi daachoo

Doyechina`o hini doyooyee gubb topphiyee mallette noonoon gaachoona gooreena`on sheqqecheet wotta boono shuriyoon biriiheete.

Sheqqe gabeena`o

Doyechina`o hini haaron doytoyee gubb

- » Gooreena`on sheqqecheete
- » Gooreena`ochi shuriyoon biriiheete.
- » Gooreena`onaa shuriyeena`on bekkiimmi minna kannoon halliyeete.

Degee qiiceena`o

Awuddee gooreena`on bekkiimmi Flaash kaarddo, gooroon bekkiimmi shichoo

Hini shimbo kaacheti inde naboo doyechina`o ebiyee aaf boono ariibeeton dojjooch tuneyaa-noon doyechina`o boono ariibeeton gaachoona gabini ihaateyoon boono geddeemmi hinnoon halloochiye. Dojjechinot ittiyoo doyechina`o ariyee toommooch degeyoona gooroon sheqqooche kottiyoona nibboona gooreena`ochi shuriyoona beeti inde hinnoon boono digeneemmi hinnoon bekkiiyoo hakkiimmi bari bare shuuraareena`on baccoona ebich mashaammimmi hinnoon halloona doyechina`o kuphe shuuraaron boono geddeemmi hinnoon halloo qaawiihe.

Doyoo ikkoo

Shuuraaro 1

Batti batt doyechina`o qaroona koceebeeta. Aroochee guuphi nuucheena`o gooree shaaheena`on topphiyee mallette noonona echeemmo tuniyoon boono echemmon wochiyeemmo tuniyoo.

Shuuraaro 2

Doyechina`o kooricee maac beeti shicheena`on meqqeqqoona boono beeggeemmo tuniibit. Dabboona doyechina`o koorichooch koteti echeena`och wochoon ittich topphiyee mallette noonona bekkiyeemmo echebit.

Doyechina`o wochiyeemmi wocheena`o

1. Amiyee gooroo amoo getteehe ?
Yooyo
2. Bungeena`o bungibeeti gooroo amoo getteehe?
Marehoo
3. Aaboo tunebeeti gooroo amoo getteehe ?
Qaawoo
4. Bungeena`o shuuqqimmonaa waamina`o oojjimmona amee gooroo getteehe ?
Naawoo

Shuuraaro 3

Batti batt doyechi kooricooch beeti shicheena`on meqqeqqoona boono beeggeemmo tuniyoona boono ciinniton ga`ooch beeti nuuchoona tookki topphiyee mallette noonona ihaateyoon boono geddeemmo tachoo.

Doyoo Guttoo

Shuuraaro 1

Batti batt doyechi kooricee maac beeti qamini ihaateyoon topphiyee mallette noonona doye-china`och shemmebit.

Doyechina`ochi digene iiqqoon ciinona ikke woy-ee gutte kaalloon daakkibot.

Doyechina`o qareemmo tuniyoona ikkoo Balay-ichoommon baroo Gn Alganeshi tunoona heree-cheemmoch tuniibit.

Doyechina`o herecheemmoch gooroon imbit. Dabboona hiniyee desh sheqqeeti echeena`on topphiyee mallette noonona echebit. Doyecina`o wochoon topphiyee mallette noonona immeem-moch degoon imbit.

Doyichoo 1

Hiniyee desh beeti echeena`on topphiyee mal-letee noonona doyechina`och giddiyoon boono wochiyeemmo tuniibit.

1. Gn Aregaashi amooch hammane ?
2. Balayi doyee kexooch bi hamaano amoochiye ?
3. Balayi Gn Aregaashich gettiti awudde gooreena`o aaboshine ?
4. Balayich awudde gooreena`on gettito kone?
5. Gn Aregaashinaa Balayina tookki hammeemmo amoon halliyane ?

Shuuraaro 2

Doyechina`o kooricce toommooch icheti mal-leteena`on gaachoon bari- bare minna kannoon topphiyee mallette noonona shuuneemmoch degit.

Qoppoo

- ◆ Gooreena`on boono sheqqoon beego
- ◆ Shicheena`on boono shigoona tookki xibiyoon boono hakkoon dabboo
- ◆ Gooreena`onaa boono shuriyoon ikke minna-kannoona bekkiiyoon xiishoo
- ◆ Gooreena`onaa shuriyeena`on bekkiiimmi minna kannoon boono shemmoon beego

HAAROO SHIMITTOO

TA DOJJECHI CICEENE

Quyecmmi daachoo

Doyechina`o hini doyooyee gubb toppiye mallette noonoon gaacheree asheena`on boono bare hinnoona gettiyeete.

Sheqqe gabeena`o

Doyechina`o hini haaroon doytoyee gubb

- » Asheena`on boono bare malletoona gettiyeete
- » Mashaammii beetona mashaamiyaane geteena`on tatoona gaachoonaa minna kannoon halliyeete.

Degee qiiceena`o

Flaash kaardo

Hini shimbo kaacheti inde naboo doyechina`o beemooch boono ariibeeti asheena`on boono kitaamitee hinnoona bari bare malletoommona aabichi biriibeetogaata dojjooch ebinoo gaacheree qamini ihaatiyoon gedo boono hakkimmi hinnoon halloochoye.

Dojjechinot ittiyoo doyechina`o ariibeetooche timona geto boono kitaamitooch katinooch danebeeti asheena`on bare malletoona biriyoo boono hakkiyeemmi bari bare hinnoo halloona doyechina`o gaawe shuuraaron geddeemmo tuniyoo gaawetone.

Doyoo ikkoo

Shuuraaro 1

Batti batt doyechina`o qaroona koceemmo tu-

niibit. Guttoo tunoona boono kocoetoyee gubb boono nuucheena`on asheena`onaa mooyina`ochi shaawujjoon sheqqeemmoch echeemmo tuniibit. Nuucheena`o shaahe echeena`on echeemmoch kuphiibit.

Naayi nuucheena`o sheqqeyaaneena`on daakkoonaa ihaateyoon boono geddeemmoch tachibit.

Shuuraaro 2

Doyechina`o kooricee maac beeti shicheena`on meqqeqqoona boono ciinneemmo tuniibit. Dabboona shichee toommooch boono beegiibeeton toppiye mallette noonona biriibeeta.

Shuuraaro 3

Doyechi kooricee maac beeti shichoon meqqeqqoona boono beeggeemmo tuniibit. Dabbiyoona shichooch boono ciinniti mooyon boono ga`ooch beeti nuucheena`ona tookki toppiye mallette noonona ihaateyoo geddeemmoch mashaamiibit.

Doyoo Guttoo

Shuuraaro 1

Doyechina`o kooricooch icheti malleteena`on gaacheree bari bare minna kannoon toppiye mallette noonona shuuneemmoch degoon imbit.

Shuuraaro 2

Doyechina`o kooricee maac beeti shicheena`on meqqeqqoona ciinneemmo tuniibit. Dabboona shicheena`on desh sheqqeeti malleteena`ona tookki xibiyeemmoch degit.

Doyoo keemo

Batti batt doychina`o kooricooch beeti qamini shemmeeshoon topphiyee mallette noonona doychina`och shemmebit. Doyechina`o digene hinnoon beegona ikke woyee gutte kaalloon daak- kikit.

Doyechina`o herecheemmoch bede gooroo imbit.

Aroochee hiniyee desh sheqqeeti echeena`on topphiyee mallette noonona echebit. Doyechina`o wochoon topphiyee mallette noonona boono immeemmoch tuniibit.

Doyichoo 1

Hiniyee desh beeti echeena`on topphiyee mallette noonona doychina`och gid-diyoona boono wochiyeemmo tuniibit.

1. Hagosich qoreddoo aakkane bi kemeemmo ?
2. Hagosinaa bi kechi asheena`o beeto aabichiye ?
3. Hagosi bi nihooch bi gettito amo kemeyoo bi qaawooniye ?
4. Hagosinaa shiitina`och kashee xaa`ooch las- laasoon uyoch waati buricciqqoo amoo gettee- he ?
5. Hagosich qaawiimmi qoreddoon kemeechi kexooch boono wotteto amoonane ?

Qoppoo

- ◆ Asheena`on bare malletoona boono biriyoon beego
- ◆ Mashaamimmonaa mashaamiyaane get- eena`on tatoona boono gaachoon xiishoo
- ◆ Asheena`on biriyooch gaaccimmi bari bare asheena`o malletoon yechiti minnakannoon sheemmoon beego.

HAAROO YIIXIYOO

NE KOJJOO AMOON SHAAHIYE ?

Quyeemmi daachoo

Doyechina`o hini doyooyee gubb topphiyee malletee noonoon gaachoona mooyina`on qaxeroona, qecoona oogishoona dab gettiyeete barittinoonaa ikkittinoon biriiheete.

Sheqqe gabeena`o

Doyechina`o hini haaron doytooyee gubb

- » Mooyina`on qaxeroona, qecoona, oogishoona gettiyeete.
- » Oogishoon ,qecoona qaxeroon ikkooch biriimmi malleteena`ona minnakannoon halliyeete.
- » Ikkooyee damba tuneti malleteena`on taatoona gaacheheete.

Degee qiiceena`o

Shaawujjeena`on yechiti Flaash kaardo

Hini shimbo kaacheti inde naboo doyechina`o beemi hinnoona boono ariibeeti shaawujjeena`on dojjooch tuneyaani beetaa ebi ariyoon gaachere qamini ihaateyoon gedo boono hakkimmi hinnoon halloochiye.

Dojjechinot ittiyoo doyechina`o boono ariibeeti mooyooche timona getona shaawujjeena`on nibboona shalligoona eboshin bari bare kaattoona aabichi gaachoon boono hakkiyeemmo gaata bekkiiyooch mashaammimmi hinnoon hallooch doyechina`o gaawe shuuraaron boono halliyeemmi hinnoon halloo qaawiihe.

Doyoo Ikkoo

Shuuraaro 1

Batti batt doyechina`o qaroonaa guupheemmo tuniyoo.

Koceyooyee gubb nuucheena`o yechiti mooyo amoon bi shaahiibeeto gaata topphiyee malletee noonona boono echeemmo tuniibot. Naayi nuucheena`o shaaha echeena`on echeemmo kuphiibot.

Shuuraaro 2

Dooyechi kooricooch beeti shicheena`on meqqeqqoona boono ciinneemmo tuniibot. Dabboona shichooch boon beegiti mooyon topphiyee malletee noonona boono getteemmo degoon gedit.

Shuuraaro 3

Doyecho kooricooch beeti shichoon gaawuchi boono ciinneemmo tuniibit. Dabboona shichee toommooch boono beegibeeti mooyon boono ga`ooch beeti nuuchoona tookki topphiyee malletee noonona ihaateyoon boono geddeemmo mashaamiibit.

Doyoo Guttoo

Batti batt doyechina`o kooricooch beeti qamini ihaateyoon topphiyee malletee noonona doyechina`och shemmebit. Doyechina`o digenee iiqqoon beegona ikke woyee gutte kaalloon daakkibit.

Doyechina`on uuche naayona guuphiyoona, qelli qelloona kaayi daggooch beeti yibbaateena`on topphiyee malletee noonona herecheemmo tuniibit.

Doyechina`o herecheemmoch bede gooroo imbit. Arooyee gubb hiniyee desh sheqqeeti echeena`on topphiyee mallette noonona echebit. Doyechina`o wochoon topphiyee mallette noonona immeemmoch degot.

Doyichoo 1

Hiniyee desh beeti echeena`on topphiyee mallette noonona doyechina`och giddiyoona boono wochiyeemmo tuniibit.

1. Dojjechino doyechina`och amooniye bo dojjito?
2. Saaron bi dojjechiich bi shalligichiti qecee shaaheena`o aaboshine?
3. Abreheti bi dojjechoch shalligichiti oogishee shaaheena`o aaboshine?
4. Ali bi dojjechoch shalligichiti qaxaree shaaheena`o aaboshine?

Shuuraaro 2

Doyechi kooricooch beeti shichoon gaacheree bari bare minna kannoon topphiyee mallette noonona boono halliyeemmoch degot

Qoppoo

- ◆ Mooyina`on qaxeroona, qecoona haddoona boono geton xiishoo
- ◆ Haddoon, qecoona qaxeroon ikkooch biriyeemmi malletoone halleeti minna kannoon boono shemmoon beego.
- ◆ Ikkooyee besho tuneti bariyeena`on tatoona boono gaachoon xiishoo.

HAAROO AASHIROO

MAADDI MAADDOON AMOON HALLIYOTE ?

Quyeemmi daachoo

Doyechina`o hini doyooyee gubb topphiyee mallette noonoon gaachoon boono heeyon biriiheete. Dakkoona boono shalligoonaa qaatoonon biriiheete.

Sheqqe gabeena`o

- » Deci heeyon tatoona gettiyeete.
- » Boono shalligoonaa niyoonon shaggeheete.
- » Shuuraaroonaa qaatoonon ikkooch biriimi minna kannoon halliyeete.
- » Bushiisheena`o deci shuuraareena`o daggoochee dekkemmonaa dekkeyaane shuuraareena`on tatoona gaacheheete.

Dege qiiceena`o

Flaash kaarddo

Hini shimbo kaacheti inde naboo doyechina`o decooch halliibeeti shuuraaron dojjooch baach tunyaanon ebi ariyeena`on gaachoon qamini ihaateyoon boono geddeemmi kaatoon halloochiye. Dojjechinot ittiyoo doyechina`o boono doyoommon, boono kitaamitee aricheti hinneena`on qemi qemona halliibeeti mooyina`on bekkiiyooch gaaccimmi bari bare hinneena`on halloona doyechina`o gaawe shuuraaron boono geddeemmi hinnoon tachoo qaawiihe.

Doyoo Ikkoo

Shuuraaro 1

Batti batt doyechina`o qaroon koceemmo tuniyoo boono kooceetoyee gubb nuucheena`on maaddi maaddoon amoon boono halliibeeto gaata sheqqeemmoch topphiyee mallette noonoon boono echeemmoch kuphiibit. Boono qare nuucheena`o shahe echoon echeemmoch gaachebit.

Shuuraaro 2

Doyechi kooricooch beeti shichoon meqqeqqoona boono ciinneemmoch tuniibit. Dabboona shichee toommoch boono beeggiibeeti qemi qemi shuuraareena`on topphiyee mallette noonoon boono getteemmoch kuphiibit.

Doyoo Guttoo

Shuuraaro 1

Doyechi kooricooch beeti shichoon meqqeqqoona boono beeggeemmo tuniibit. Dabboona shichooch boono beeggititi qemi qemi shuuraaron boono ga`ooch beeti nuuchoona tookki topphiyee mallette noonoon ihaateyoon geddeemmoch tachibit.

Shuuraaro 2

Doyechi kooricooch icheti malletteena`on gaacherree bari bare minnaa kannoon topphiyee mallette noonoon halliyeemmoch degoon imbit.

Shuuraaro 3

Doyechi kooriceexi shichoon meqqeqqoona boono ciinneemmo tuniibit. Dabboona shichee toom-mooch halleebeeti mooyon boono ga`ooch beeti nuucheena`ona tookki topphiyee mallette noonoo-na ihaateyoon boono geddeemmoch mashaamibit.

Doyoo keemo

Shuuraaro 1

Batti batt doychina`o kooricooch beeti qamini shemmeeshoon topphiyee mallette noonoo-na shemmebit.

Doyechina`o daanii Iqqoon beegona ikke woyee gutte kaalloon daakkibit.

Doyechina`o herecheemmoch bedde gooroon imbit. Dabboona hiniyee desh sheqqeeti echeena`o topphiyee mallette noonoo-na wochoon immeemmoch gaachebit.

Doyichoo 1

Hiniyee desh beeti echeena`on topphiyee mallette noonoo-na doychina`och gididiyoona boono wochiyeemmoch tuniibit.

1. Malaakichi maaddi maaddi shuuraaro amoone?
2. Malaaki doyyee kexoochaa bi halliibeeti qemi qemi shuuraaro amoone ?
3. Malaaki doyyee kechi wottooch bi halliibeeti shuuraaro amoone ?
4. Malaakichi xumi shuuraaro amoone ?

Qoppoo

- ◆ Doyechina`o boono heeyon tatoona biriyoon xiishoo
- ◆ Qaatonaa niyoonon booyo biriyoon beego
- ◆ Shuuraaroonaa qaatoonon ikkooch beekkiimmi minna kannoon boono shemmoon beego
- ◆ Bushiisheena`o heechi shuuraaree maac deggimmonaa degaane shuuraaroon tatoona boono gaachoon beego

HAAROO AARAA IKKO

ACHEE KUPPHIYEE KAAYINA`O

Quyeemmi daachoo

Doyechina`o hini doyooyee gubb topphiyee mallette noonoon gaachoonaa iiwe beemon yaabooch kupheya boono beddimmi shuuraareena`on gettiyeete.

Sheqqe gabeena`o

Doyechina`o hini haaron doyitoyee gubb

- » Iiwechi beemon yaabooch kupheye boono beddimmi shuuraareena`on biriiheete.
- » Gaacciye/tuneyaache immi minnakannoon halliyeete.
- » Ache kuphiyee qocoon uumiyee qaaweyoon tatoona shuuneheete.

Dege qiiceena`o

Bari bare ache kuphiyee kaayina`on bekkiiimmi Flaash kaarddo,ache kuphiyee kaayoon bekkiiimmi shichoo

Hini shimbo kaacheti inde naboo doyechina`o qemi qemona boono halliibeeti ache kuphiyee kaayina`on dojjooch tuneyaanon ebi gabini ariyoon gaacheree ihaateyoon gedo boono hakkimmi hinnoon halloochoiye.

Dojjechinot ittiyoo doyechina`o boono ariibee-tooche timona bari bare ache kuphiyee kaayina`on sheqqooche timona nibboona ache kuphiyee kaayina`och beeti gaaccimmonaa gaacaane hinneena`on uumiyoon doyechina`o bare gommona gaawe shuuraaron boono qoddeemmi hinnoon halloochoiye.

Doyoo Ikkoo

Shuuraaro 1

Batti batt doyechina`o guuphona koceemmo tuniyoo boono koceetoyee gubb boono guuphi nuucheena`o amoon halloo boono shunniibeeto gaata topphiyee mallette noonoon echeemmo kuphiibot.Guuphi nuucheena`o shaaha echeena`on echeemmooch gaachebit.

Shuuraaro 2

Doyechi kooricooch beeti shichoon meqqeqqoona boono ciinneemmo tuniibit.Dabbiyoon boono ciinniton.

Shuuraaro 3

Doyechi kooricooch beeti shiichoon meqqeqqoona boono ciinneemmo tuniibit.Aroochee shichee toommooch boono ciinniti ache kuphiyee shuuraaron boono ga`ooch beeti nuuchoona tookki topphiyee mallette noonoon tookki ihaateyoo boono geddeemmo kaattoo imbit.

Doyoo Guttoo

Shuuraaro 1

Batti batt doyechina`o kooricooch beeti qamini shemmeeshoon topphiyee mallette noonoon doyechina`och shemmebit.Doyechina`o daammi iiqqoon beegona ikke woyee gutte kaaccoon daakkibit.

Doyechina`o herecheemmo bedde gooroon imbit.

Aroyee gubb sheqqeeti echeena`on topphiyee mallette noonoon echebot.Doyechina`o wochoon topphiyee mallette noonoon wochiyeemmo gaachebit.

Doyichoo 1

Hiniyee desh beeti echeena`on topphiyee mallette noonona doyechina`och giddiyoonna wochiyeemmo tuniibit.

1. Ache kuphiyee kaayina`o ashoon Imirikkooyee beshetaa boonoshich beeti gaaco amoone ?
2. Kechi maaci ache kuphiyee kaayina`o gettee-beetina`o aaboshine ?
3. Kexoyee maachi ache kuphiyee kaayina`o aaboshine ?
4. Ache kuphiyee kaayina`on emiroochoommon no gaachemmona beeti hinnoo amoone ?
5. Toppiyee arichaabeeti ache kuphiyee kaayina`o maacee indeena`on shalligoona biriib.

Shuuraaro 2

Doyechina`o kooricee maac icheti shicheena`on gaacheree bari bare minna kannoon topphiyee mallette noonona halliyeemmoch gaachebit.

Qoppoo

- ◆ Iiwe beemon yaabooch dekkemmi ache kuphiyee kaayina`on tatoona boono sheqqoon beego
- ◆ Gaacciye/gaacaache immoch toociiti minnaa kannoon shemmo boono hakkoon xiishoo
- ◆ Ache kuphiyee qocoon uumiyyee gaacoon tatoona shuunooch boono heechiyoon beego

HAAROO AARAA GUTTOO

DOJJECHO DOYEE KEXOCH SHUUNEHE

Quyeemmi daachoo

Doyechina`o hini doyooyee gubb topphiyee mallette noonoon gaachoonaa shuunee xaa`ooch shuunebeeti shuunechina`on sheqqeheete.

Sheqqe gabeena`o

Doyechina`o hini haaron doyitoyee gubb

- » Shuunee xaa`och shuunebeeti shuunechina`on tatoona biriiheete.
- » Shuuroonaa shuunechonon tookki yechiti minna kannoon halliyeete.
- » Shuunechina`och oogiyoon immi qaawiyoon tatoona bekkiiheete.

Degee qiiceena`o

Bari bare shuunechina`on yechiti flash kaardoo,shichoo

Hini shimbo kaacheti inde naboo doyechina`o qemi qemooche boono ariibeeti bari bare shuunoon dojjooch tuneyaanon ebi ariyoon gaacher-ee qamini ihaateyoon gedo boono hakkiyeemmi hinnoon halloochoye.

Dojjechinot ittiyoo doyechina`o boono ariibeetoche timona bari bare shuunee yungireena`on sheqqoonaa kotonaa nibboona ebi shuuneena`o aabiich boono shuunebeeto gaata bekkii-beeti shuuraaron daakkoona doyechina`o shuuraareemmi kaattoon halloo wuroo tunehe.

Doyoo ikkoo

Shuuraaro 1

Doyechina`o batti batt guuphona koceemmo tune-ba boono koceetoyee gubb guuphi naayina`o ariibeeti shuunee shaahoonaa aabiich bi shuunebeeto gaata topphiyee mallette noonoonaa sheqqeree echeemmoch kuphiibit. Guuphi nuucheena`o shaah echeemmoch degot.

Shuuraaro 2

Doyechi kooricee maac beeti shicheena`on meqqeqqoonaa ciinneemmo tuniibit. Dabboona shichooch beeti shuunechina`o aabiich boono shuunebeeto gaata topphiyee mallette noonoonaa boono sheqqeemmoch degit.

Doyoo guttoo

Doyechi kooricooch beeti shichoon meqqeqqoonaa boono beeggeemmo tuniibot. Dabbiyoona shichee toommooch boono ciinniibeeti mooyon ga`ooch beeti nuuchoona tookki ihaateyoo geddeemmoch tachibit.

Doyoo keemo

Shuuraaro 1

Doyechina`o kooricee maac icheti malletoon gaacheree bari bare minnakannoon topphiyee mallette noonoonaa halliyeemmoch gaachebit.

Shuuraaro 2

Batti batt doyechina`o kooricee maac beeti qamini shemmeeshoon topphiyee mallette noonona doyechina`och shemmebit. Doyechina`o daammi iiqqoon beegona ikke woyee gutte kaalloon daak-kibit.

Doyechina`o herecheemmoch bede gooroon imbit. Aroyee gubb hiniyee desh sheqqeeti echeena`on topphiyee mallette noonona echebot. Doyechina`o wochoon topphiyee mallette noonona immeemmoch kuphiibit.

Doyichoo 1

Hiniyee desh beeti echeena`on topphiyee mallette noonona doyechina`och gididiyoona boono wochiyeemmo tuniibot. Ubbe echeena`och shuunee xaa`oon daakkoona boono biriyeemmoch kuphiibit.

1. Kiinechochi nihoonaa indeena shuuneebeeto aabichiye ?
2. Kinechochi manoonaa maneena shuuneebeeto aabichiye ?
3. Indi niheeno geenee naboona shuunoo neechooyee aaf shuunee beeto amoone ?
4. Nihoo manoonaa indee maneena shuuneebeeto amooniye ?

Qoppoo

- ◆ Shuunee xaa`ooch shuunebeeti shuuneena`on tatoona biriyoon beego
- ◆ Shuunoonaa shuunechonon ikkochi yechiti minnakannoon boono shemmoon dabboo
- ◆ Shuunechina`och oogiyoon imo qaaweyoon tatoona boono shuunoon xiishoo